

年自許登山而治鬼處厚食祿亦為司命之
 策名蓋三十六空洞之天真靈必會況七十
 二封禪之主禮制尤崇既兼統於幽冥寔專
 司於禍福雖書注於生籍必先制於亡魂考
 過計功厥有正邪之異升名落簡豈無遲速
 之殊苟非滌慮以洗心詎可贖愆而補過醮
 官某家與哀痛首隕淚傷心畫像空存豈見
 丁寧之語真鶴雖舉尤深慘切之情歡娛頓
 阻於閨門拘錄方歸於嶽府無文不度武修
 可度之緣無文不生願結資生之果欲請囑
 於詎士難效前人求會過於少年豈復同學
 惟誦香林之妙法且傳碧落之空歌建立淨
 壇燈燐煌而破暗致恭靈寶香履郁以騰空
 庶殫悃悃之誠逕達崑崙之嶺伏願霖冰霜
 於夜府沛雨露於幽扃五鍊陶鎔俾得隨於
 生化萬罪蕩釋仍復親於光明死者有知得
 諧頓悟生者懷感愈切飯依溥及含情均蒙
 濟度上明天尊大慈之澤下副臣等飯命之
 誠謹啓以聞

十二願

復鑪

謹攝香官使者左右龍虎君侍香諸靈官當
 今臣向來靜夜行道之所自然生金液丹碧
 芝英百靈眾真交會在此香火鑪前當願十
 方仙童玉女接待蘭煙傳臣向來所啓之誠

速達徑御
 至真無極大道
 昊天玉皇上帝御前

出堂頌

出戶

道門科範大全集卷之八十三

道門科範大全集卷之八十四 甲十

廣成先生杜光庭制

東嶽濟度拜章大醮儀

散壇行道

法事陞壇如常

各禮師存念如法

宣衛靈呪

五星列照 煥明五方 水星却災 木德致昌

榮感消禍 太白辟兵 鎮星四據 家國利亨

名列玉簡 字錄帝房 乘蹕散景 飛騰太空

出入冥無 遊宴十方 五雲浮蓋 招神攝風

役使萬靈 上衛仙翁 與道合真

鳴法鼓二十四通

發鑪

無上三天玄元始三炁太上道君太上老君

召出臣身中三五功曹左右官使者左右捧

香驛龍騎吏侍香金童傳言散花玉女五帝

直符直日香官合三十六人出出者嚴裝顯

服冠帶垂纓關啓玄壇土地方域神真臣今

靜夜行道謹奏為宣其諸情悃已錄告聞

鎮得太上十方至真道炁靈寶瑞光下降流
入臣身中令臣所啓速達徑御

太上無極大道

昊天金闕玉皇上帝御前

請稱法位

具位臣某等謹虔誠上啓

虛無自然金闕七寶上帝東宮教主太乙救苦天尊傳經演教歷代師真東嶽泰山天齊仁聖帝淑明皇后太子貴妃殿上炳靈公西齋靈王殿下文武考校一切曹僚三界應感一切真靈臣聞至感而崇巡狩尚欽於虔帝卜郊而望命祀尤敬於魯邦應木德而主仁善能為長當春時之首歲物所由生固知嶽帝之仁本好生惡殺而為事兼制天民之籍亦注生出死而為功凡茲總總而林林皆荷生生而化化豈忍虐於呼號屠割之地非欲留於幽囚囹圄之中但緣有衆之愚蒙罪皆自取每循凡情之愛惡欲固無窮逞嬌姪而邪偽百端恣姦巧而變詐萬狀罪未正則必使議罪刑有律則不容逃刑尚冀泣辜之仁

亦希讞獄之請出其能改豈不如園土之罷氓死或街冤詎使有棘林之哭鬼用求哀而請命願補過以懲愆修大道緣以為法橋遵大道教以為慧炬求大道庇以為法雲依大道慈以為法雨庶沐漏泉之澤早拔幽夜之

魂聲累日之恭勤極凡誠之悃悃注想太清之境祈羽葆之降臨歌詠步虛之章企雲駢而來下暫離金闕前嘯九鳳和鳴俯蒞凡筵

後吹八鸞翔舞聖意感通於須臾之際真馭往來於倏忽之間必將人敘而天從應許下

情而上達臣等無任虔誠奉迎聖駕

降聖 初獻 散花

臣某等謹虔誠上啓

虛無自然金闕七寶上帝東宮太乙救苦天尊傳經演教歷代師真東嶽泰山天齊仁聖

帝淑明皇后殿下文武考校一切曹僚三界

應感一切真靈臣聞五嶽分真於寰區獨岱宗而為首百靈交會於嶽府蓋民命之所司

非獨探策以為符亦由出祥而顯化據石自立曾孫果紹於唐宗暴風所飄祖龍終覆於

羸氏在王者而尚司其成敗況民編皆制其死生爰念先亡豈起流俗觸情望行或貪嫉

愚癡而嗔恚以物從欲亦放僻邪侈以驕淫三業為伐性之斧斤萬罪作喪身之鴆毒昔居人世曷獲臨阱而不知今入幽關枷鎖枉

械之難免正名定罪雖有餘辜沛澤流恩尚希曲赦大道本從於善貸愚衷敢效於維新爰仗黃冠式陳淨醮披肝瀝膽備陳悔往之辭引頸注心尤切後來之望玉檢登封之地想嚴駕於雲輿石閭降禪之方企虛徐於仙

仗惟忱惟惚而潛交精意來寧來燕而大賜洪庥不早筮筮錡釜之供特享蘋蘩蘊藻之薦禮方行於初獻誠既盡於一純雖慙明德

之惟馨尚有祝詞之陳信願察哀情於此日早抽苦衷於陰靡設醮詞誠謹當宣奏

宣詞

諱詳詞語灼見衷衷何必遊曲阜之都始能

傾向豈惟上天庭之庫方極瞻依念亡魂之

有歸實嶽靈兼統向其枯骨用周十通之

經昇以生成必洞九天之真寶注算於東斗

得受鍊於南宮哀死悼亡雖曰人歸於土更
生受化復祈天與之形巨等至誠頓首再拜
謹陳亞獻

散花

臣某等謹同誠上啓

虛無自然金闕七寶上帝東宮太乙救苦天
尊傳經演教歷代師真東嶽泰山天齊仁聖
帝淑明皇后嶽下文武考校一切曹僚三界
應感一切真靈臣聞天非夫民元命皆由於
自絕人苟陷罪上聖豈忘於恤刑不令惡無
所懲未顯業皆自作既路隔三清之遠必獄
沉九地之多一落重陰或經累劫蓋南方號
為火駭墜之者爛額焦頭西方鐵曰金剛入
之者鎚心又腹溟泠處於極北則苦百毒之
丘寒普掠居於中央則墜八達之風樹銅柱
屠割之異火車鑊湯之殊皆因往日之徇情
故有茲時之受苦況此東方之獄亦有號於
風雷必關聖帝之神豈不施其威柄幸天尊
之光明徧照不使全迷雖陰司之考掠嚴行
豈無曲貸用塵虔恭之志冀蒙濟度之恩名

香已達於三天旨酒方行於再獻髮鬚靈播
之至依稀鑾輅之臨伏願感通必至於交孚
哀痛詎令於無告在穹窿日觀之下早出幽
明近隱與天門之中即離苦惱許悔惡而遷
善俾證道以登真巨等恭虔頓首再拜謹陳
終獻

散花

具位臣某等謹重誠上啓

虛無自然金闕七寶上帝東宮太乙救苦天
尊傳經演教歷代師真東嶽泰山天齊仁聖
帝淑明皇后太子貴妃殿上炳靈公西齊靈
王嶽下文武考校一切曹僚三界應感一切
真靈臣聞龍漢出書已後始廓向道之門赤
明開劫以來惟以度人為事神靈普殖仙化
成人聖母銜房而司馬在庭主錄勅籍而司
命定算豈欲毒斯民而苦其死蓋將著庶類
而與其生然人為或致於逆天故陰獄必達
於陷地冤仇所集鬼神所誅作不善因受大
苦報賴有元始之符命許時刻以昇遷亦有
魔王之洞章錄功勳而保舉俾死魂之受鍊

得生炁以固根比都羅鄴解厄即離於泉府
南昌宮闕監生更賴於尊神執籙把籍而齊
到帝前稟命賦形而周流宇內皆承元梵之
恢漢各得下鎮於泥丸醮主甚深念亡魂未
登生界在魯邦所瞻之地猶滯泉鄉思孔氏
其妻之歌久辭人世況有禍殃之未洗實為
楚毒之難勝用懇請於仙游備陳懺悔仍掃
除於淨宇嚴列供陳普香信以摺心朝真靈
而謝過今則樽行三獻宵入五更惟益勵於
恭虔庶仰希於眷佑伏願洗除罪咎鑒納精
誠肯旌三寶之功消名累簿早被九龍之命
注祿青宮乘晨景而希陽翹開大有而通玄
戶稟形受鍊得登流火之庭隨願往生遂躋
仁壽之域巨與醮主某等下情無任虔祝之
至

十二願

復鑑

謹攝香官使者左右龍虎君侍香諸靈官當
今臣向來靜夜行道之所自然生金液丹碧
芝英百靈眾真交會在此香火鑪前當願十

方仙童玉女接待蘭煙傳臣向來所啓之誠

速達徑御

至真無極大道

昊天玉皇上帝御前

出堂頌 出戶

送聖 回向

道門科範大全集卷之八十四

道門科範大全集卷之八十五

廣成九生杜光庭

東嶽濟度上章大醮三時懺方儀

清旦

臣衆等至心皈命十方無極太上靈寶天

尊五嶽聖帝四瀆源王三界十方一切神

仙諸靈官虔誠懺悔

伏聞仙官洞府能解厄以除災東嶽水司寔

主生而制死萬方瞻仰蓋因民命之所司一

念皈依必獲帝心之回眷願垂慈憫俯察凡

情許令懺罪以懲愆盡與滌瑕而蕩垢今雖

主善切念亡過某人生偶合於四大形成已

具於六根因根生塵積塵成垢必惡積而不

掩致罪大而難逃欲拔九夜之魂須懺六根

之罪蓋以見因可欲明匪心目內觀不知色

即是空徒令物擾於外非禮勿視終有愧於

顏淵服自而明亦深慚於莊叟悅美麗姚冶

之態耽膏黃黼黻之觀況有見金而迷人安

能考詳而視履如斯造罪是謂眼根今日今

時願從懺悔又若欣藪語而側聽得邪說而

樂聞過過雲繞塵之聲豈無耽惑聞急結促

柱之響寧免流連信從手謬論狂謀貪玩手

淫言穢語不知非禮而勿聽豈謂尚德而為

聽如斯造罪是謂耳根今日今時願從懺悔

又若五臭所熏百物交感或類幕中之客剛

愛偷香更聞海畔之夫醜成逐臭食求厚味

爭分飲錫之醴香服美衣奇為悅綺羅之蘭

麝不知鼻徹為顛徒令顛困於中如斯造罪

是謂鼻根今日今時願從懺悔又若耽悅五

味留戀八珍厭顏回之單瓢悅易牙之芻豢

但期口腹之足欲不知鼎鑊之生實况復利

口覆邦巧言亂德傷人才戰忘周雅之莫捫

主辱拒機因張儀之尚在徒令言有召禍不

知味即是空如斯造罪是謂舌根今日今時

願從懺悔又若一身求肆於安佚不顧人勞

四休務極於優游惟先自本侈恣於高堂廣

厦淫心於美食辭表使之驕已以虧他不免

矜眉而悒快語以害人而利己必應動目以

睚眦常欲壞人以自成豈念施恩而博濟如

斯造罪是謂身根今日今時願從懺悔又若